

E planta di procesa oro na Balashi

E planta di procesa oro na Balashi, un di esnan di mas moderno pa su tempo, a haci un cambio vital den e explotacion di oro na principio di e ciglo aki, den cual nos ta bibando. E explotacion di oro y fosfaat tabata di gran importancia pa cu economia di Aruba e tempo ey. Asina grandi cu hasta durante un periodo e industrianan aki, por bien a mantene e isla di Curacao. E explotacion di e materianan prima aki a causa obviamente un ampliacion prospero di e economia, cual tabata tin como resultado, p.e. introduccion di cas di beton, mehoracion di nos infra-estructura etc.

E beneficiacionan aki tabata asina inmenso pa nos comunidad, cu te dia di awe nos ta recorda esaki na e streep geel di nos bandera. Na diferente partinan di nos isla ainda nos por constata e influenciacion di e explotacion di oro. Por ehemplo na Mira Lamar (planta bieuw) wela (pos di awa) y Spaans Lagoen, cual a sirbi como waf (!!!) na unda materialnan tabata worde descarga y oro tabata worde carga, pa conseqwentemente ser transporta pa e waf na Playa.

Ta asina cu diferente distritonan na Aruba mester ta agra-decido na e explotacion di oro, pa cu nan existencia, p.e. Marawiel, Matividiri, Ayo, pero tambe lugarnan manera Paradera y Piedra Plat. Mas aleu tin cu worde notifica cu e desaro-yoo na e sitio specifico aki no a limita su mes pa unicamente e planta, sino tambe tabata tin desaro-yo den e vecindario directo.

Como ehemplo ta worde menciona e casnan pa empleadonan y director; diferente baraknan pa empleadonan: tuberia di awa for Wela; un pista pa trein te cu na e Spaans Lagoen. Hasta muy probablemente esaki ta e promer sitio na Aruba na unda electricidad a worde activa.

Fuera di e explotacion di oro tabata tin mas actividadnan historico na e sitio aki p.e. e Spaño y Francesnan. Como un ehemplo, e color cora di e strea di nos bandera ta reflesha e sanger drama di nos indiantan cu a worde kima bibo na mondi fiermo.

Un combinacion di tur e factornan aki ta haci cu e vecindario aki ta hopi variante y ta ofrece vistanan pinto resco, pero tambe detallesnan pa cu su bishitanan. E planta ariba su mes a worde poni for di uzo desde 1918 y door cu injustamente, ningun hende a muestra interes real, ni esfuerso pa conserva esaki y a lage detatoria, actualmente e ta den un estado di ruina.

Sinembargo no obstante e estado deplorable cu e ruinan ta den actualmente, e planta situa den su ambiente unico ta forma un atraccion grandioso pa nos turistanan y tambe pa nos comunidad. Si no haci nada dentro di un periodo corto, e monumento historico pronto lo bay perdi den su totalidad. Lo mas ideal lo ta pa restaura (!!!) e planta por completo.

Mas aleu por traha walkways, pone bankinan publico y crea un-jardin, por duna descripcion y splicacion pa medio di borchinan, maquetta y folders. Te asina leu un resumen di e parti constructivo di e ultimo carta ricibi for di Stinapa (Fanapa), firma den number di directiva door Ir. P.J. Denters y Drs. A. Beaujon. Mas aleu a ser proponi door di Sr. Denters cu Gobierno por bien desaro-ya e boca di e Spaans Lagoen turisticamente.

Mientras durante un reunion sostene cu Sr. Denters y nos representantenan na tal sitio, a ser propone justamente door di Sr. Denters, cu pa crea un conexon entre e boca y Gold Mill, por haci uzo di e Spaans Lagoen, sinembargo esaki lo mester tuma lugar pa medio di botonan di rema (nota: esaki ta e tiponan cu no ta leak azeta!!)

Pues si nos compara tanto e contenido di e carta y e articulo publica recientemente door di Fanapa (Stinapa), nos por nota diferente contradiccionnan grave y un falta di sinceridad inmenso. Na di promer lugar ta ser expresa cu Fanapa tin hopi objecion contra plannan pa desaro-ya Spaans Lagoen, den un contexto sumamente ironeo, di como si fuera e objectivonan di tanto Gobierno y companianan desaro-yador lo ta pa haci nan maximo esfuerso pa caba cu e poco naturaleza cu Aruba tin pa ofrece, lo mas pronto posibel.

Tanto como muher y homber, nos mester por sostene e dignidad di nos caracter, acaso si nos kier ta digno y evita nos mes di practica e arte di hipocrecia, si nos kier logra paz cu nos consenshi. Mester tene na cuenta cu un hypocreta ta disfraz cu palabranan cu un apariencia di berdad mientras cu e ta haci di su ofishi, gañando.

E ta haci y trata na perhudica otronan cu justamente ta haciendo esfuertonan y sacrificio pa cu contribui na cu bienestar general di nos pueblo, mientras cu e ta yora y lamenta na momento cu e registra cu nos pueblo ta progresando. Su bida ta converti su mes den un tormento continuo y su mensahe na ta reflesha negativismo y pesimismo, nan no tin razonamiento, ni consideracion ni pa e propositonan mas noble, su lenga ta constantemente den un contradiccion cu su curazon.

Sin embargo e esfuertonan cu e ta haci pa trata na satisfacer su emocionnan ta mucho mas hopi cu local y tin cu haci pa tuma un actitud sincero pa asina e logra di libera su mes di su frustracionnan.

E actitud aki ta crea un esfera di como si fuera cu e dianan cu a pasa caba, a pasa pa semper, pero sinembargo es dianan cu tin di a yega no kier yega pa caba. Esaki ta debi na falta di deligencia pa falta di sinceridad di supuesto lidernan cu lo mester tabata tin como ideologia y ideal, e bienestar general di nos pueblo na

pecho.

Nos mester tene na cuenta cu cada estado di futuro, ta local nos ta crea awe!!! Pues si awe nos ta practica actonnan y tactica cu falta di sinceridad, mala fe, den un forma envidioso, destructivo y traicionero, nos no por spera frutonan sano pa cu nos yuunan di manan por disfruta di dje. Pues no por spera cu por acepta di supuesto lidernan, no importante cual organizacion nan ta representando, sea cu nan ta di sector sindical of di institucion caricativo, pa nan concientemente, laga local cu por ser haci door di nos otro prohimonan awe cu si tin e bienestar di nos pueblo na nan pecho na di promer lugar, pa worde haci manan cu quizas no lo yega nunca!!

Pakico nos no por ta honesto cu nos mes y ser deligente, pa asina caba cu e necesidadnan pesamo di nos pueblo. Ta asina cu mucho hopi viaha ta propone metanan y sugerencia cu apariencia noble y humilde den medio di publicidad, pero e sacrificionan cual ta necesario pa logra esakinan dignamente, ta ausente. Sea ta worde uza tacticanan pa troce e berdad of ta muestra unicamente un banda di e medalla, pa asina crea un opinion negativo y un imaginacion erroneo di por ehemplo un proyecto.

Tur local esaki ta crea ta un desorden, un confundimiento inmenso bao di nos hendenan, un stagnacion den progreso di nos pais, un limitacion di nos derechonan fundamental pa nos como ciudadano y desaro-ya nos mes den un forma sano y concientemente acepta pa nos laga nos mes worde oprimi door di supuesto lidernan cu nos mes a nombra.

Pensa unicamente den beneficiacionan cu nos pueblo mercedamente lo mester di ta disfrutando di dje, mientras tanto cu inhumantemente e tipo di liderman aki ta oponiendo nan mes den un forma maximo sin argumentacionnan sano, contra realizacion di metanan importante y positivo pa Aruba.

Ta asina cu Fanapa na un dado momento a reconoce e importancia economico inmenso cu e sitio aki tabata tin pa nos comunidad den pasado y actualmente, sinembargo e ta opone su mes contra desaro-yo di e sitio aki.

Fanapa ta opone contra desaro-yo di e sitio aki, debi na e pression cu e bishitantenan lo causa ariba e vecindario, mientras e mes a propone p.e. restauracion di e ruinan, cual igualmente lo a implica un fluho grandi di bishitantenan.

Ta ser pretendi cu lo ta destruyendo naturaleza, mientras justamente Gobierno a caba di duna su cooperacion pa mantene un jardin botanico cu a ser crea na sitio y cu justamente a worde proponi door di Fanapa. Ta ser pretendi otro viaha mas cu un desaro-yo na Spaans Lagoen lo destrui e naturaleza por completo, mientras cu historia a demostra cu ni un

Sigui lesa pag.15



Horoscopo

ARIES
Maart 21 - April 19

Dia favorable pa bo actividadnan profesional. Demas persona implica lo colabora den bo proyectonan.

Number di suerte awe: 57

TAURUS
April 20 - Mei 20

Bo asuntunan personal ra requeri hopi cuidao. Salud di un persona queri por causa problema.

Number di suerte awe: 89

GEMINI
Mei 21 - Juni 20

Personanan influyente no ta digno di bo confianza. Ta probable cu bo familia causa preocupacionnan.

Number di suerte awe: 34

CANCER
Juni 21 - July 22

Pone bo energia den proyectonan di tipo idealista. Lo bo cobra e frutonan di bo esfuertonan.

Number di suerte awe: 27

LEO
July 23 - Augustus 22

Lo bo keda sorprendi cu yegada di un yiu of en todo caso pa un renobacion fuerte den bo bida.

Number di suerte awe: 77

VIRGO
Augustus 23 - September 22

Dia pa resolve un cantidad di problema-nan y di papelanan cu ta dunabo un gran satisfaccion di libertad.

Number di suerte awe: 08

LIBRA
September 23 - October 22

Lo bo reestablece e comunicacion cu bo rumannan y cu bo bario despues di un periodo di soledad.

Number di suerte awe: 90

SCORPIO
October 23 - November 22

Lo bo descubri un buki cu ta apasionabo. Bo pareha ta aparece yen di energia y cu intencionnan di trece cambio.

Number di suerte awe: 34

SAGITARIUS
November 23 - December 21

Un di bo yuunan ta bay sorprendebo cu su plannan cu e tin pa e mes den futuro.

Number di suerte awe: 65

CAPRICORNIO
December 21 - Januari 19

Bo pareha lo demostra bo cu e ta pensa den bo y esey lo dunabo hopi sorpresa den bo bida intima.

Number di suerte awe: 00

ACUARIUS
Januari 20 - Februari 18

Lo bo ricibi un ayudo inespera den bo trabao pa medio di un colaborador cu ta comprendebo hopi bon.

Number di suerte awe: 23

PISCES
Februari 19 - Maart 20

Debi na e iniciativa di un ruman lo bo tin e oportunidad di haci un gran papel den e problemanan familiar.

Number di suerte awe: 51

